

匏翁家藏集卷第一

詩四十二首

秋日閒居

委巷寡人蹟杳無塵俗侵虛窗對高樹日午落疎陰玄蟬響方
斷好鳥復一唵俯首閱陳編直窺古人心抱冲世味薄處寂佳
境深涼風滿衣袖自起彈吾琴琴聲和以暢永日有餘音

觀溪童捕魚

江南五月黃梅雨一夜新添三尺水蓮葉東西蘆葦間斜陽映
水魚生子溪童褰裳脫雙履一見水深心獨喜不須撒網與板
繒捕得魚來多赤鯉鯉魚最短亦盈尺猶有老魚不知止君不
見魴鱖魴鰻棄長河去入龍門求大鮪

過南園俞氏書隱次劉祭酒先生韻二首



鷗渚茅堂古樹秋。校書人去幾人游。山林白日無車馬。一老窗間著孔丘。

芳草橋頭小路斜。書聲隱隱識君家。醉玄方丈坐終日。黃菊秋深未著花。

五月十三日移竹

今朝竹醉教移竹。荷鍾穿雲去路賒。却笑此君多潦倒。醒來已在別人家。

方方壺崇山峻嶺圖

上清樓閣萬山中。百折丹梯鳥道通。我欲置身巖壑裏。白雲深處覓僊翁。

次韻沈啓南僧齋夜坐

躡雲何處宿古寺。郭東偏露下鶴初驚。月低人未眠。安心元有

法不語。卽爲禪寂寂。空堂夜梵香繡佛前。

除夜

風雪孤燈下坐深。寒漏遲百年能幾夜。一歲不多時。索室初驅疫。持肴欲祭詩。推窗看梅樹已發。向南枝。

宿丹陽聞笛

煙冷江空孤月明。夜深人靜浪初平。故園纔隔二百里。短笛不禁三四聲。樹遠丹陽臨古驛。山圍鐵甕望高城。相逢盡是離家客。只向蓬窗說旅情。

登南京鷄鳴山

秋盡荒山鳥蹟稀。拂衣獨上扣禪扉。屋頭鹿下緣青磴。樹杪僧行入翠微。千里風煙搔短鬢。六朝文物付斜暉。悠悠身世渾如此。目斷天邊一鴈飛。

分題鄱湖聽鴈送黎憲還臨川

碧天雲冷鴈聲悲。楚客驚秋不盡思。彭蠡湖頭愁起處。衡陽峰下夢回時。波漂菰米風生渚。月映蘆花雪滿陂。此去臨川無百里。帛書休恨到家遲。

親朋

懷陳起東北上

江城寥落歲闌珊。遙憶離人北上難。兩雪載途雙宦轍。雲霄萬里一儒冠。馬頭木落淮山暮。塞上風來易水寒。欲折梅花遠相贈。幾時驛使到長安。

題倪雲林詩後二首

高人自號雲林子。獨住雲林歲月深。足低千峰幾兩屐。人間六印一鈎金。華佗無術醫清癖。蘇晉長齋養素心。寂寞小蓬壺上路。百年陳蹟莫追尋。

親

阮籍疎狂甘自放。清風高卧酒盃深。池塘夢去忽生草。丘壑來不換金。脫帽竹間朝沐髮。焚香花底夜清心。祇陀舊宅風煙古。一片五湖何處尋。

次韻周原已懷石湖舊遊

上方高處共捫蘿。落木空山雨滿蓑。野寺推門黃葉亂。湖亭倚棹白雲多。向來行樂成陳夢。別後離愁遶綠波。滿紙新詩更清省。令人相對憶陰何。

送俞振宗南遊

手扶藜杖出南園。不向妻孥告一言。白髮被肩過浙水。青山回首隔吳門。平蕪客路何時盡。喬木人家幾處存。此去越中憐歲莫。緜袍應見故人恩。

雪夜憶友人宿伏龍山中

親

孤城鐘漏促寒鷄風雪殘燈夢欲迷靜夜獨眠高榻上故人遙
在數峯西空林松子時時落絕磧梅花樹樹低知是山中有佳
興柴門清曉候封題

雨後獨遊園中

荒園歇秋雨疎竹透朝陽落葉茆簷下惟聞鳥語涼孤踪久塵
土超然欲坐忘

為史明古題沈啓南畫

翠嶺終南山黃河抱其趾舊聞塞天地延袤幾千里陽烏浴虞
淵落霞散如綺層巒藹佳氣蒼翠不可擬史君松陵彥家世昔
居此夜夢或見之既覺心亦喜老南慰茲圖歷歷宛相似不知
經營勞但見丘壑美赤松真吾師白雲是知己為報山中人明
年泝江水

次韻啓南淫雨

陽氣渙不收淫雨夜復晝倒傾怪盆翻併集疑輻湊鳩婦頻見
離蛇醫頗遭詬日月何道行雷霆半空闐顧無大藥資已彼太
虛疴下堂褰裳齊出戶縮頸胆相忘魚圍洋竝坐烏棲宿不辨
過河牛時看挂樹雌乞漿歲在酉祭社日維戊民誣適厚誣神
賜誠大繆攸除荆室完既瀦白渠溜叵將說斲盛強把枯槔救
具棹防陸沉移書綠屋漏因之憫大田豈暇念靈囿荷蓑徒水
畊痔錘休火耨溪毛遶宅生田穉幾家茂竈沉或浮金墻覆乃
失雷湯湯成其咨蕩蕩孰能誅斯倉不成千厥賦難至葺空聞
田峻喜亦笑楯郎恂積惡等貫盈飲酒比多又極備固有由太
甚不可復往日害未消今歲勢仍驟槁項八口饑疾首兩眉皺
神禹合胼胝蒙莊念昏瞶地志費推尋水經慵句讀出門一壺

隨俯井尺繡收花姬首夜膏石丈齒朝漱彼蒼有聞知下土敢
陳奏 朝廷闢四門刑罰謹三就聽政厭衡石祈年飾邊豆誰
召淮吳裁復致川廣寇居人廢鋤犁行者耀甲冑赤子困泥塗
蒼生脫衣袖米價市上騰錢神橐中走寫帖顏腹空題詩沈腰
瘦況茲雨再零絕類人多疚否塞求疏通崎嶇戒顛踣幸有客
露冕豈乏人衣繡發廩在斯今為府合仍舊首從芻蕘詢急向
膏肓灸莫厚庶以寧不備遂全覆滂沱免月離霖霖應春候因
地脩厥利自天獲多祐漸墜千畝連卒致萬家富吳沼尚無虞
蜀天底須恒頓如元豐間不落貞觀後永圖幸勿忘膚見奚足
徇一挽康年回吾邦即非陋

贈蕭漢文

蓬蒿偃筓輅瓦礫混璠璣君子負俗累騁步忙疾徐辛勤感驟
驢獨抱夏侯書我道蓋如此俗流訾迂疎終然不可屈驚悔動
鄉間游心千載上抗志萬里餘君德日已崇榮名常炳如

哀顧進士文之

死生亦常事脩短有定理命也奚足哀所哀諒非此文之少秀
發鄉邑數佳士二十取科名束帶遂從仕社稷不足安一世但
平視志高固超越氣盛非委靡壁立屹岱宗塵絕奔驟駢抵掌
好高談人物善臧否歷歷無終窮牙頰注流水把筆或續言隨
物寫形似於其氣盡時新意尤崛起累累相示余俛首不敢擬
利器徒自懷遠道邇即止百年半未過二豎蚤見俟力疾陳疏
封在告逾一紀癯然體如削飲食半藥餌續息一以定竟作重
汪躋豈無立言人墓道表潛美骸骨久當朽名姓元不死團辭
寓所哀竊擬仲宣誄

陳僖敏公輓章

勾吳山水秀人物見英姿特出斯人類端為後輩師萬間當柱
石四海仰綱維執法星辰應行威草木知常令三尺謹不使百
工墮鐵面嚴風采脩髯足表儀若金須汝作子采每疇咨雅量
蠡難測清心涅不淄忘家安社稷鎮俗坐邊陲破膽驚西賊知
名誦小兒方平留畫像仁傑立生祠春雨渾無跡秋霜詎有私
希文應接武堯叟是連枝德業昭書傳功名付鼎彝一身思進
退萬室繫安危已覺知幾蚤誰云見事遲懸車心尚赤解組鬢
如絲赤子誰依恃蒼天不赦遺 朝廷終北極江漢自東馳鄉
里嗟生晚臨文淚滿頤

正日雪

天上頒新曆華夷正朔同推窗瞻北斗開戶納東風已覺天時

變何憂吾道窮雪花休亂落吳地兩年豐

洛神圖

僊妃不可即洛水遙相望手持青芙蓉遊戲水中央金翠耀容
飾木難綴明璫飄飄白雪裾蕩漾青霓裳人神本殊道倏忽登
北堂嫣然啓玉齒氣若幽蘭香馮夷與海若左右更舉觴洛水
詎可測人壽安能量雲軒期再來少隔三千霜

雨雹

江城六月暑氣薄夜半有聲敲屋角靜聽彷彿是何聲浙瀝丁
當更澆灑初如有客來扣門入夜不應聲剝喙須臾萬騎爭奔
馳矢石交揮攢亂槊披衣驚起推半扉入手石磊砢心方覺奇形
三出花半開幻作牛羊并六駁買綃客泣海市珠獻玉人棄荆
山璞吁嗟天工一何巧豈有郢人為斲斷百年老人渾未識此

物嘗聞兩幽朔何為江南亦有之欲問天工愁緬邈雖云盛陰
腸陽氣人事所召言尤確邇來已過到黃梅半月猶聞雨聲濁
三吳大水眼復見高田可航井可濯園林和煖木再華疆界浸
淫禾未穫京師今春乃缺兩弘羊就烹罷賈權 詔書遠下甦
民力 天子減膳仍徹樂百官黜陟勞大臣一飯豈止髮三
握極無極備皆云凶況復于今天雨雹 皇仁洋溢恐未周天
欲斯民被殊渥

題何刻工卷

女媧補天天不漏卷石猶穿太山溜郢工運斤風欲生斲出難
供孫楚漱雲根可斷亦可轉磨礪幾日方成就梁州之貢天下
無忽然躍出東山袖頌功載德絕妙辭兩手不停煩刻鏤丞相
中郎字奇古右軍卒更筆深秀東山雖老眼猶明一一猶能論

結構空堂考擊聲丁丁絲連縷綴如絺繡小或蠅頭大或丈深
必因肥淺必瘦東山擇業何其賢古人石刻今流傳周宣中興
文石鼓李唐九成銘醴泉延陵墓上止十字薦福寺裏須千錢
行人淚墮峴山下過客手摹江水邊其餘諸刻難盡述東山直
視如無前百年獨守三寸鐵姓名與石同貞堅回看巧技未旋
踵肆中野草浮荒煙昌黎河東如可作梓人巧者堪同編只今
東山既頽矣子孫守之上慎旃閉門一日白石爛黨人之碑慎
勿鐫嗚呼黨人之碑慎勿鐫千載之美無使安民專

病項

人生自召百一病傷彼六欲兼七情我今有病出偶爾開口欲
說難為名幸非寒戰與潮熱一痛却使心怦怦蓬篠感施古人
疾二者一旦來相嬰執書未暇矻矻坐伏枕頓作咿咿聲千鈞

重負未容釋更覺肩背遭
答榜董宣不屈漢公主徐積已見胡
先生昨朝向人忽作別即欲回顧仍前行
昂頭莫肯少輕諾側目欲就多歡迎我生
由來汎掘強只今見者尤加驚獨鶴引吭
頻飲啄大鷄盛氣相誼爭嗟吁元首本無恙
股肱何不思扶傾端愁蔓延入骨髓此病始
知爲匪輕軒岐醫經動盈卷不識何藥堪煎
烹莫如閉戶學導引動盪血脉方和平未能
痛定得思痛把筆遣悶詩先成

題朱澤民小景并詩後

睢陽畫癖不可醫睢陽作畫真畫師豈維長
綃善揮灑只此短紙誰能爲野曠天寒氣蕭
爽人坐茆亭絕塵想階前舊雨客不來天未
晴雲心獨往青山滴滴青於苔平地忽見芙
蓉開秋聲似向耳邊起石上喬松若箇裁意
長要在無多筆餘墨淋漓綴

唐律詩中有畫畫中詩白年再見王摩詰

地理

書句容丁溪僧舍壁

丁公溪上古招提策馬來尋路欲迷遠道黃埃
臨水隔當門綠樹與雲齊山中地僻無人到
窗下僧閑鳥啼淪茗焚香坐終日不知林外夕陽低

爲僧題畫

秋風一騎秣陵還未得浮生半日閒畫裏南朝
何處寺閉門黃葉滿青山

題趙行恕參議所寄沈徵士墨梅

不見王孫知幾年更堪東老入重泉江南風景
渾如舊春草梅花共悵然

過陳玉汝溪館

落木城東路荒溪接板橋行來渾覺近坐定始知遙鶴羽休頻
掃龍團且慢澆乘閒卽到此折簡不須招

次韻啓南訪王汝不遇

結屋青林下移家綠水傍古苔留晚照殘菊帶秋光過客空敲
戶題詩復上堂主人非隱逸莫怪馬蹄忙

悼董孟珍

獨持古道作今人白首峨冠稱隱淪聖老不堪三月病移家客
是一生貧篋中書帙悲遺墨窗底棋枰積素塵深巷東風花自
落扣門無復過西鄰

悼沈癯樵畫史

秣陵春色厭驅馳投老吳門白髮垂燈下解衣盤礴處山中持
斧嘯歌時一貧比憲元非病三絕如虔不數癡落日高堂

子雪峰煙樹使人悲

曉發揚州遇雨

鷄鳴揚子灣人發廣陵驛草深路不分潮長舟難逆故國去非
遙懷歸心日劇陰雨忽復來前村又投躋

濟寧夜泊

嗚嗚畫角語城頭暝色蒼茫倚舵樓古戍煙生人已散長河月
落水空流異邦信美非吾土他日重來是舊游千里鄉心孤枕
上可能今夜夢刀州

宿河西務遇雪

客懷牢落鬢毛斑水宿淹旬去路艱一夜雪花如席大始知身
已到燕山

客樓望宮闕

天畔登高閣非關望故園再瞻雙鳳闕如在百花原民俗今成
化朝家又改元五陵佳氣在長護紫微垣

南還瓜洲渡江

柔櫓嗚咿啞瞳矐天欲曙殘星帶河漢積水渺煙霧依微京口
山迢遞維揚樹中流忽已過始入江南路

過大姚陳玉汝宅飲散守大覺寺追和趙與哲韻

月出平湖積水空上方僊梵隱花宮似聞薜蘿林間雨總是芙蓉
浦外風有客題詩先到向僧分榻幾人同敲門自怪來何
莫投轄傳盃惱孟公

僧

匏翁家藏集卷第一

匏翁家藏集卷第二

詩四十四首

已丑九月十三日初寓南京真珠橋外舍諸友携酒相
過

相逢共酌金陵酒月白尊前笑語長醉後真珠橋上立只應今
夜不思鄉

與徐仲山顧崇善登城西臺晚眺

荒臺寂寞不知名臺上經霜宿草平萬井白煙高郭遠千峰落
日大江橫居民不省前朝事過客空為此日情東望鄉園懷抱
惡一杯須與故人傾

秋夜二首

秋深無過鴈書問曠庭闈新月復將滿故山猶未歸孤燈明夜



榻雙杵搗寒衣寂寞難成寐更長覺漏稀
明河垂碧落灑氣滿彤闈上國將身住中宵有夢歸月高頻看
劍秋盡未成衣贏得頭顱上年來髮漸稀

聞原輝弟東莊種樹結屋二首

折桂橋邊舊隱居近聞種樹繞茆廬如今預喜休官日樹底清
風好看書

舊業城東水四圍同游蹤蹟近來稀結廬不必如城市口學田
家白板扉

雪夜

蕭條學舍石城陰夜雪當階一尺深二水空洲迷白鷺半山高
寺失青林閉門只合書灰坐覓句還思擁被吟却憶故園亭子
畔紅梅花發照瑶琴

讀廖司訓詩

先生撫州彥來為婺州師清晨坐高堂講席擁臯比弟子百數
人出入矩與規先生以身教未嘗費言辭共云今人中得此胡
翼之我友王允達托交兩無疑恨我不識面示我所寄詩詩長
三過讀讀之竟忘疲其辭如劍鋒凜然白差差上憂吏治陋下
憂士習卑孰為障頽波孰為張四維三復先生言苦心良可悲
欲將今世人化為唐虞時士皆元與凱吏皆臯與夔王道恒蕩
蕩齊民總熙熙憂懷庶可慰聊用一解頤竊觀先生心卓爾出
等夷但恐言太高反為當路唾方今法宮中 聖人貴無為

一相父自擇謂能繫安危守櫝既有人自毀玉與龜諒非有言
責多起出位思幸卷三寸舌橫經固其宜撫州古名郡山川有
諸奇草廬與道園近世尚可追著書寓微意足為千載垂再拜

家痛集卷二
向先生吾言止於斯

吳節婦

十八來澁灘雙魚水中居七年一彈指水中有枯魚妾身既無
夫妾心惟有死婉婉錦裯中柰此兩女子白月照空閨啞啞烏
夜啼天明不飛去宵向西林棲九泉望不極莫化江邊石化石
石雖堅可轉亦可泐年年過蠶月是妾紡織時只將兩行淚抽
作千丈絲生為吳氏婦死為吳氏鬼子不如我信有如澁灘水

喜沈仲律主客北回

客路天寒嘆久違獨騎瘦馬雪中歸緣知到處皆題句還憶去
時初授衣畫省爐煙官事了青山杯酒世情非舊聞朝市多高
隱不待滄江作釣磯

題楊鐵崖墓銘後

秦定年間名進士會稽山下老徵君金陵不看三秋月玄圃長
嘘五色雲對客呼兒將鐵笛從人笑我醉紅裙風流盡付吳淞
水還繞劉伶四尺墳

張叔厚畫李太白像

廬山瀑布三千尺只抵僊才一半長何用畫師張叔厚夜來落
月滿空梁

親朋

答吳元啓

客居空有故人思正值江東薄暮時日遠自驚衣帶緩天長偏
恨帛書遲冰消壁水魚猶伏春到瓊林鳥獨知好在紫宸朝
散後莫因官況廢題詩

初度日三首

忽忽行年三十六回頭事事總知非人生七十已過半何況人

生七十稀

我生之辰月宿斗薄命偶與昌黎同聰明不及如何好最是無
文可送窮

東野數日失三子誰信如今也到吾清淚下時禁不得此生已
媿東門吳

除夜三首

獨眠孤館夢難成靜裏時聞爆竹聲為惜一年惟此夜起來燒
燭到天明

月暗城頭擊柝遲鷄鳴山下客愁時萬家閉戶逢今夜只有離
人獨不宜

夜深燈火四無鄰強醉金陵麴米春却憶去年何處宿三义河
口更愁人

題院畫二首

翩翩白馬紫絲鞵馳過彎堤十里長千樹桃花萬株柳前頭

殿是昭陽

瑤樓金屋映丹霞只把僊家比內家落日美人秋水紅粧一
面亂荷花

思母辭為廬州方君作

手線縫衣裳一斷難再續去去慈母顏不知幾時復線斷猶可
縫母死不可逢乃知堂背護不及墓上松護草花易發松樹色
不改玄宅一以閉人世忽千載無母何所恃孝子積恨深惟應
無母者方識孝子心

周烈婦行并序

烈婦高州人隨其夫赴瓊山訓導舟次江西遇寇其

夫潛匿他處烈婦以為死于水矣遂抱其幼子亦赴水死人多作詩哀之其鄉太學生吳耕為余道其事

賦此

西江水深浪如屋一婦船頭仰天哭哭聲遶江江水平玉顏一擲鴻毛輕想當汪汪雙眼底只見良人不見水抱兒語兒兒勿啼妾身不是河伯妻倉皇魚腹期同葬不道良人固無恙良人無恙去作官妾身雖死心則安願身莫化為精衛願夫善射如后羿願身化作金僕姑一時射殺荏苒徒

題金陵陸氏藏刻絲花鳥

天孫織成纜尺許清曉誤落銀河東雲頭雪掌光凌亂人間只合歸良工金刀刻鏤十日功嵌紅補入誇玲瓏西川海棠誰移得鳥歌蝶舞游絲中紫鳳天吳顛復倒杜家短褐難為好香風

吹動水精簾白月穿空雕玉縑古來畫筆爭揮掃黃筌趙昌真草草回首雲間陸士龍壁上丹青使人惱摩挲此巧絕代無采桑枉却秦羅敷天寒日暮衣裳短乞與雙入遮栗膚

贈趙典籍

老將白髮戴烏紗四庫書中即是家三月春風猶不到曲欄梅樹已開花

賦趙氏雙節

粵王臺下清風孤趙家兩婦同哭夫青春白日聲嗚嗚眼中一掬明月珠無夫不惜千金軀有淚口添一曲湖湖波徹底如冰壺寫出趙家雙節圖誰其賦者吳門吳

送鄭世靜還浦江四首

三百餘年孝義門一朝握手見諸孫君家自有麟溪集底用臨

岐索贈言

同心堂上樂陶陶又見青槐發嫩條手把記文曾三復非關作者是陳樵

溪頭傑閣號臨清萬卷灰飛歲屢更他日重生書帶草君應不忝鄭康成

元末忠臣世所誇登堂揮翰見枯槎百年遺墨須珍重長作江南第一家

讀友人所寄詩

殘暑猶未退曉起坐書軒隔水見青林悵然思故園清風偶披拂衫袖何翩翩屬茲乞假暇開牖滌翳煩口誦故人詩如與故人言藹藹春雲飛翩翩孤鳳騫藻句和未得中心徒弗諉何日陳湖濱相與弄潺湲

贈宜興李童子

彼美青衿子從人解索詩詩成如可誦莫羨謝楊兒

竹禽圖為胡君賦

江南煙雨竹枝底一箇子規枝上啼日暮不須啼更急行人初到秣陵西

九月十日赴周仲瞻飲菊猶未開

莫恨黃花開獨遲清香已覺到金卮重傾昨日王弘酒強和今朝鄭谷詩根在久從南國種節高應耐北風吹相逢人世長堪笑不羨齊山杜牧之

得子

予生因嗣續往往被人憐重聽呱呱泣還驚六六年桑蓬行射禮朱密檢醫編今日為兒祝惟應壽最先

鍾馗元夜出游圖

終南老馗狀醜醜虎韉烏弁鴨色袍青天白日不肯出上元之
夜始出為游遨鬼門關頭月輪高烏犍背穩如駮駮鬼嬾塗兩
頰鬼子垂一髦徒御雜沓聲嗷嘈導以靈姑旗翼以大食刀茶
壘左執鞭質矯右屬橐方明前持漆燈張若後擁擎旄離末罔
兩不可一二數肩擔背負手且操奇形瘳色使人怕一似猓駁
梟獍兼猿猱戰傷人血化燐火各出照地點點如焚膏陰風颯
颯吹荒臯百怪屏氣不敢號汝輩遠遁莫我遭我欲飲汝血甘
如飲醇醪我欲啗汝肉美如啗羊羔官容汝輩在世長貧饑食呼
嗟乎老馗真為百鬼中一豪所以唐皇想其像詔令道子寫以
五色毫吾嘗疑其事展圖不覺再把短髮臨風搔憶當天寶年
左右皆鬼曹太真宮中逞狐媚祿山殿上作虎嘯當時設有老
馗者安得縱彼二鬼逃便須縛以蒼水使者所捫之赤絲

天閣尸諸獸牢寢其皮拔其毛效爾一日驅馳勞坐令濕泉生
汗泥驪山長蓬蒿上除唐家百年害下受唐史千年褒却來上
元夜任爾燒燈并伐磬

送林克容歸台州

侍郎一鶚之兄

彭城風雨人空眠看雲夢草皆徒然爭如天台林少穎一舸竟
泛秋風前天台路接秦淮水季也秋臺耀金紫官高章服自不
同兄弟之情只如此東華清曉芳塵香却怪馬啼來往忙夜來
忽作天台夢夢去不知岐路長征車在門待明發還向三吳歸
百越到家高卧赤城霞回頭却望金陵月

送胡彦超

年過四十不作官還將短髮籠儒冠平生一經已爛熟胡為挾

入橋門觀前年鄉書名始刊曲江又避春風寒重來橋門住三
載打頭矮屋聊盤桓朝齏暮鹽不滿盤何須故人勸加食日高
對案笑捫腹自有五色之琅玕側身西北望長安眼中一朵紅
雲團天門欲往澁如棘若比蜀道尤云難嗟哉出處誰得似頗
似吳下吳生寬吳生作詩忽盈紙送君還到春闈裏春闈多士
多如蟻勿將老少分憂喜君不見韓昌黎張童子同是陸公門
下士昌黎文章如皦日童子聲名逐流水人生傳世有如此區
區科第何難耳

喜雨

孟夏困隆暑宛若三伏時大雨直時行颯然平旦客居共
促攝衣起看之垂絲映芳樹回紋散清池逍遙亦何事高詠陶
韋詩濕甕煙火絕僮僕飯我遲中腸既云適我亦忘我飢如何

北山陞草木咸熙熙

次韻馬廷簡雨後園中看種蔬之作

幽人薄滋味鼎俎却脂膏寧將口腹中貯此土之毛荒園微雨
過惡草亦以薶赤根列嘉菜黃蔓雜新豈入手未盈把何足充
大庖諒無食肉相此種任貪饕養匪樂故侯隱頗諳文人勞端知
中林鹿所食在芹蒿因懷柴桑翁不為五斗撓亦知束帶時何
如荷鋤高斯人久寂寞流俗仍滔滔載誦藝蔬篇陶翁幸重遭
訪沈主客仲律不遇因題竹上
不見竹間人空題竹間句清風牽我衣依依不能去

次韻沈主客種竹四首

我愛此君子林間每獨來便成終日坐應是隔年栽凍雪長梢
在春風舊葉摧佳人空谷裏翠袖拂蒼苔

醫俗亭前物如何到此來清風當我笑醉日被人栽蟠土龍頭
縮垂簷鳳羽摧平生持苦節一任伴荒苔

坐深郎署下碧色上衣來試問誰家有還輸此地栽主人腰共
瘦凡卉節空摧却愛涼陰底長封一丈苔

書窗時起揖錯認故人來下管彤庭用孤根粉署栽多因春雨
長不為晚風摧欲借林間地高眠讀古苔

筆翁陸志學年六十五得子

金陵老陸鬢如絲喜氣朝來忽上眉甲子細推應較晚卯君新
到莫嫌遲作詩不用誇三鳳典樂曾聞止一夔收拾牙籤并玉
軸他年親手付麀兒

禽言

摘桑看火新婦

桑門反鎖春蠶食飽曾得眠雪繭結成非蠶

螺官司要和買織造急於火去年賣絲數倍利兩月養蠶十月
坐殷勤向火祝焚蠶寧焚我

鮑翁家藏集卷第三

詩三十五首

贈金朝瑤

向晚暑氣清有客扣我戶褰裳起迓之聆語若平素似諳姓與
名欲問或恐誤客言君豈忘坐請為君訴未及三兩言拊掌頓
驚悟憶當景泰初寬也年尚孺鼓篋郡庠間已解親外傳君時
從舅氏來向官下住同登詔菴門講業日相聚歲久君乃歸浙
水舟獨泝屈指別來年已過二十數兩地無尺書居常但瞻慕
相見不識君顏色已非故不知今何為乃有此奇遇君言自別
來雲路殊窘步五試于有司曾未合尺度及茲邑大夫而以我
充賦老母今在堂白日迫遲暮祿仕求養親學職今乃作邵武
亦名邦有任於此赴天假便道還一拜先人墓其餘衷曲情請



侯更僕布我聞君言已流涕發啞動如參與商古語今始寤
感君昔善交蒙子今枉顧我欲贈子行金玉不足富內廷達外
邑坦坦皆仕路與子游其間願各勤保護倘為同門羞適取舉
世惡修德崇今名他年有良晤

寄題陽山澄照寺

令威稟僊骨化鶴去遼東傳聞有遺井乃在青山中山深草木
盛苔徑誰能窮爰有釋氏子於此構蓮宮殿閣頗雄傑林杪見
青紅高崖石色古小洞雲氣通神龍室其地上下雨兼風歲時
郡長吏祈禱屢年豐我昔過東麓落日明丹楓所恨足力弱徒
然望龍從何時躡其巔歷覽無忽忽回頭發長嘆深愧南飛鴻

送林一中福建僉憲

蹇劣無外慕中歲偶成名束帶趨闕下獲侍君子行弱水限瀛

洲明星垂貫城蹟異雖懸隔心同常合并拙性素寡諧有蓋非
徒傾乃叔寔嚴師今兄況名卿而我師事餘久矣孰芳聲方深
追倍樂俄動睽違情 朝廷得一相賢者宜同升端如孤鳳起
鶴鵠相和鳴八閩連百粵城郭三山橫此中持憲節海波會澄
清同朝再有日超遷當政成

題鄭郎中所藏張師夔畫

師夔畫好不可誣筆法頗似崑山朱未論人品高與下胸次自
是吞江湖平林絕澗雲模糊深處自有哀猿呼青苔細路絕人
蹟遇着即是漁樵徒忽然空翠落衣袖崇山峻嶺相縈紆丹梯
百尺通玄都僊家茫茫還有無弱質本是山澤癯見此不覺掀
長須卧游三日猶不足王維輞川無此圖題詩却問鄭大夫此
圖應着千金沽

贈別丁鳳儀刑部

我昔白下逢丁儀，黑漆點睛玉琢頤。相看不用道名姓，開口一笑先談詩。君詩不作宋元語，開元大曆相追隨。雖云專師李與杜，亦或下友參兼維。其餘佗期之間，輩蔑視何異群小兒。于時場屋文最盛，君獨事此將安為。璧資章甫適於越，越人斷髮無用之。我方一倡已自誤，君復累和為人嗤。涼秋八月桂花發，多士競赴鄉闈時。臨風再作老婦舞，鹿鳴接席元無期。鳳皇翩翩起千仞，先後瓊林棲一枝。玉堂載筆我甚愧，烏府閱獄君無疑。燕南二月草芽綠，君忽捧檄東南馳。張家灣頭買大舫，官河三日冰流漸。南都作官殊可樂，故宅況在秦淮湄。清晨出門了公事，薄暮還家及我私。北堂阿母年七十，蕭然兩鬢縈游絲。入房喚婦出，共具祿米作飯甘。如飴人生作官有如此，清如伯夷安

肯辭更憶南都北城外，此地乃為少昊司。太平堤長二里許，馬蹄緩緩鞭垂垂。鍾山削翠幾千仞，影向玄武湖中窺。水光山色兩奇絕，飽看未覺詩腸飢。尋常馬上得佳句，封題寄我當休遲。

送盛訓術還吳江

一舸東南去，望望故里門。夕陽煙市影，秋水雪灘痕。製藥當書案，彈琴罷酒尊。相過官舍裏，應是史西村。

挽張征西

漢室論諸將，行邊許衛青。征西憑豹略，逐北至龍庭。閉戶功名遂，環營涕淚零。千秋元不死，麟閣儼儀形。

送同年黃敦實知玉山

懷玉山中路，煩君此一行。官因科第重，人比縣名清。黃霸終京兆，言游暫武城。亦知離別易，杯酒不須傾。

送王合州

南出都門去逢人問合州一官為別駕萬里付扁舟巫峽沅泉
曉峨眉片月秋緣知蜀道易隨處有詩留

送劉寺正約之江西審刑

天子齋居罷舞雩使臣承命出皇都朝端法吏誰為最江右冤
民自此無兩脚隨車應不斷麥苗蔽野未全枯漢庭治獄多超
擢拭目看君立要塗

為安福尹仁器紀善追和祭酒李文忠公所遺之作

先生去作泉臺客瀘水悠悠歲月多太學舊規三舍在中朝清
節幾人過斯人有感空臨楮後輩無能也掇科欲寫和章頻不
就玉堂踈雨墨重磨

中秋夜飲陸廉伯西齋

到千金杯且慢斟小齋一醉夜沉沉關山未覺分南北人月何
須論古今水落蒹葭應自老秋來蟋蟀為誰吟不知霜露沾衣
處偏是詩家感慨深

送同年簡齊道歸省

春半相逢在禮闈題詩忽復送君歸盧前名姓慙楊炯洛下文
章見陸機曉日攀龍恩似海秋風躍馬去如飛新年草色知人
意應向階前映綵衣

題青州先賢祠

汴宋人才無古先東方作郡總名賢朝廷擇相多從此州縣勞
人豈信然隱隱故疆分海岱堂堂遺象照山川只今新廟頌虛
位莫道前脩美獨專

林良鷺鷥圖 上有白頭翁鳥

風吹碧蘆灣蘆葉何飄蕭幽禽止其下愛此波迢迢意態殊容
與羽翮仍逍遙飲啄既得所有食誰能招附人慚鷹隼巢林笑
鷓鴣何彼白頭鳥向我聲嘒嘒陋哉里巷語此意奚足插功名
及成遂祿位期侈驕白日不廻駕冥行到中宵馮車一引首始
知路非遙鄙夫復眷戀顧乃嘆無聊誰爲去此鳥勿使污輕綃

岳蒙泉畫葡萄

曾是文淵閣下才才高只合有人猜白頭騎馬涼州過却使葡萄
入畫來

贈地理家二首

平生兩屐共扁舟南過荆門北冀州著得文章填破篋翻嫌司
馬是空游

萬里江山一覽中已堪藉手謁諸公儒先縱有山陵議恐與

家意不同

壽席道士

白頭一羽客何處曾相逢月下老翁并雲間玉女峰蹠蹠還似
鶴變化真猶龍試問渠年紀山中有古松

題畫

誰持畫障索我歌見畫如向江南過扁舟坐我順流去兩岸不
斷山嵯峨山中老樹青婆娑雲深難辨枝與柯渺然一片漾微
白千頃平湖生遠波想當若人作此畫墨汁如雨流滂沱夕陽
落盡板橋上何彼行客偏么麼我生固有山水癖猶道圖書傳
來譌昨朝騎馬出城去看山直到燕山阿千巖萬壑青不了較
之江南山更多長溪淺渚舟如梭亦着漁翁披綠蓑青鞵布鞵
不曾辨馬背未必愁坡陀若非塵鞅縛人住山水佳處須行窩

題詩自笑徒吟哦佳哉此圖如我何煙江疊嶂寫長句我亦年來嫌老坡

松江鄧節婦二首

夫亡未是苦能禁一水纔知節婦心不信臨邛新寡者向人偏賦白頭吟

節婦名高誰與齊眼中覺得九峰低直須二字平生盡貞烈宜從卷首題

送金德潤主事改選南京便養

清曉辭朝去離顏帶笑歡但知因養母不道是之官路指桃花渡衣衝麥秀寒鍾山如有待江上作龍蟠

送李侍郎致仕歸博羅

白雲渾不礙羅浮望盡家山南海頭暮景迫人陳短疏春風吹

髮上扁舟臣於社稷當為悅身在江湖自有憂此日都門稱嘆者題先入二疏傳

追送張尚質戶部兼懷沈仲律主客

秋風騎馬向南行送別深慚句不成顧我只如前日懶思君應比後湖清朝回曉月當瓊島夢逐春潮到石城遙想齋居無俗客相過多見沈雲卿

翰林齋宿

迢迢清夜宿詞林不是西園口賞心天上星辰華蓋近海中煙霧玉堂深話長絳蠟頻銷燭夢短青綾獨擁衾明日慶成何以獻願同張耒賦當今

又次費廷言韻

月滿蓬瀛樹影涵並游僊館不勝慚歐陽白戰多詩禁周澤清

齊歌酒酣兵衛森嚴環闕下神光隱約起郊南玉墀春宴明朝
事載望君恩四海覃

慶成宴二首

玉陛東頭第一筵坐分春色愧群僊詩題共和篇三百酒價無
論斗十千曲舞羽衣齊作隊花簪金字巧成聯卷阿鳴鳳今重
覩定協周家舊卜年

閣門傳詔下瓊筵許傍文樓坐列僊鳳曆紀元初滿十玉杯
稱壽定過千頌鍾應律歌工起階楯成行衛士聯既醉小臣思
寸補擬書無逸獻新年

上元夜戴中書宅賞燈

南客相逢惜此宵燈詞酒令破宵參莫教隱几生春夢就可聯
鑣去早朝月色漸臨青瑣闥風尤多在玉河橋休文不赴斯文

約應是嗔人折簡招時沈廷美不至

脩竹仕女圖

曾讀杜甫佳人篇佳人今向畫圖傳練裙緜袂春風裏不減花
神并水仙牽蘿補屋居空谷日莫依然倚脩竹只隔西鄰短短
墻楊花榆莢紛相逐

白雲僊女圖

霞裙霧帶空中起何物嫣然一僊子下方塵土不沾衣來往踏
雲如踏水瑤池西去扶桑東萬里聊乘半日風却笑洛神波底
住一生空卧水晶宮

為周評事題沈石田畫二首

芙蓉

憶涉秋水曾采芙蓉花花邊蕩槳白日暮美人不見令人嗟

秀色天然淨如洗依舊幽花照江水高堂四壁起秋風不是丹青那得此周卿愛此如愛蓮胸中風月元無邊慚余未擬愛蓮說為君且賦芙蓉篇

芭蕉

老卉呈嬌紅破葉留故綠正當零落時對此殊不俗我思石田生秋色填滿腹腹中抑鬱無奈何信手寫之忽盈幅滾滾白露初為霜苔花吟蝕山骨蒼眼昏錯道逢僊子綠絲步障紅綃裳

送張都水

幽燕建都邑九鼎從而遷八政一曰食仰此東南偏歲漕四百萬舳艦相後先雲帆罷轉海江淮達且沿迤邐經齊魯有渠昔人穿噫此尋丈耳譬若溝澮然置牖以啓閉相時為節宣嚴嚴魯山下平地多流泉泉流入漕渠其始纔涓涓翁淪惟自足安

知可浮船疏導非人力濟世嗟何緣張君官水部治水思昔年往來相度之滌源同九川功成既歸朝大臣慕其賢封章始朝薦行李仍夕旋維此百泉眼利博人爭傳入渠有餘瀝可溉萬頃田只今東方民老幼咸顛連槁項與黃馘嗷嗷口流涎瀦洩倘有策旱澇何須憐漕粟國用足種粟民生全他年司馬氏載入河渠篇

初夏雨霽

好雨夜來過朝陽散新晴朝回一解帶僂仰向南榮焚香遣塵慮讀書悅道情屋角槐初綠時聞好鳥鳴誰知城市裏心境有餘清

匏翁家藏集卷第四

詩三十二首

賦黃樓送李貞伯

維河有源星宿同導河積石思神功濁流汗漫失故道積石却
 與澶淵通平郊脫轡萬馬逸一夜徑度徐州洪徐州太守蘇長
 公夜呼禁卒登城墉一身未足捍大患豈無木柵兼竹籠戲馬
 臺旁二十里有隄橫亘長如虹高城不浸三版耳挽回魚鰲仍
 耆童防河錄成天有工黃樓高起城之東五行有土可制水底
 用四壁塗青紅太守登樓賓客從舉杯酌水臨長風河伯稽首
 受約束不敢更與城爭雄水流滔滔向東去紆徐演漾殊從容
 負薪投壁竟何用漢家浪築宣防宮自公去後五百載水流有
 盡恩無窮我生慕公公不逢安得置我茲樓中穎濱淮海獨何



幸留得兩賦摩蒼穹鳳池舍人今李邕南行別我何忽忽登高
眺遠必能賦封題須附冥飛鴻

少詹事柯公挽章

莆陽山水邑文獻代相仍詹也唐時有襄于宋室稱惟公從後
起餘子讓先登科甲直能冠詞鋒莫敢膺進言希祖禹紀事到
吳兢已向經筵入元從史館升肺肝求主識氣力待誰憑慎
密中無罅方嚴外有稜副君資講讀胄子要師承縷服終難
奪綸書遠自徵迺中翻報計都下盡喧騰夏屋梁驚折長河岸
善崩幾年儲宅俊他日曠疑丞當宇徒前席斯文失右肱人言
猶悄悄天視故僂僂卹典恩光下哀歌韻語與慨予生既晚為
彼役無能久候儀庭鳳焦思出壑氷竹根巖月落荔子海雲蒸
公起當何日高呼恨不應竹巖公號

送姜用貞赴南京刑部因懷項文祥

南去分司畫省郎行行因得奉高堂已如毛義為人子早向宗
元識吏商春草訟庭稀獄案碧山官舍有書牀項斯別後年華
改爲謝無詩遠寄將

與諸友東郭草亭看牡丹二首

曾是平章宅裏花賞時還在故侯家帝鄉況有此亭古人世
但知今日嘉吟興待生滄海月醉顏驚見赤城霞風流前輩凋
零盡欲覓遺蹤事已賒

背郭林亭風物幽綠陰時節更須游獨憐芳草容人卧多謝名
花爲客留錦水築堂從杜老漆園成器想樊侯暮春未許山陰
占今日燕南禊事修

次韻李賓之病暑

時閏六月

夏暑亦常事江南未宜歇維此曰朔方氣候無差別洞庭碧汪
洋太行青巖竄遙思蛟室空豈畏羊腸折對食七或喪解衣帶
翻結頗聞上古時處野復居穴宮室始湫隘文字非漫滅雖云
蔽風雨重我此炎熱連朝常旣焚未夜忽庭熱函風詠鑿冰月
令紀乘驢彼日故遲來斯言自高揭四序功成退三王世興迭
祝神司夏令一月真濫設將行衣未裝旣醉醜還酸發狂果大
叫排悶得深悅貧者衣裳單所慮窮冬節露脛與踣躄赤脚寧
蹉跌暑氣任蒸人吾生況江浙

昌黎清節廟

君臣有大義誰獨能廢之雖云行天罰有責安可辭南巢到牧
野此事已再為彼動固以時我義亦自持所以周家粟不及首
陽薇飄然脫屣去鴻鵠青冥飛維昔能讓國去周固其宜馬遷
執史筆歌我安適歸我歸旣無所無乃非怨詞藉有穎濱叟
潤庶已知二子百世師邦人詎能私要之天壤間郡當置一祠
請觀昌黎頌奚假吾聲詩

苦雨

入夏憂不雨雨甚亦可憂幸此米價減宿麥且有收人情稍覺
舒天意復見尤一雨過三日其勢殊未休九市成九河可車翻
可舟比屋垣墻倒汎汎宅載浮婦女出大叫兒童誇善泅又聞
城西偏水患更不侔一家三壓死傷者恐不瘳事急欲走避有
足誰家投聞之是巨忍援之猝無謀我欲作天問問此來何由
但恨此來時在天少遲留往夜東門火平明失其樓雨來火不
作火滅雨乃流漢儒傳五行箕子叙初疇人邇天亦邇此理或
可求賦詩遣孤悶廢卷發長謳因之望遠海安得登高丘

送蔣蒲州

郎吏紛紛填仕途初試幾人為大夫如君本是青雲器有身豈
合居江湖山右大州稱古蒲手中新分太守符昨聞州人告荒
歉眾口待子歡且鋪進士中人不流俗設施肯作科名辱黍稷
豐登鷄犬寧聊以茲行遂民欲宣武街頭車已裝乘此十日秋
風涼青天眉宇太行秀平野襟帶黃河長州中父老出郊迓來
日太守登公堂

送蕭漢文分司清江浦

誰云何遜在揚州只到淮南便艤舟東閣官梅千古事小山叢
桂一時秋考工有記煩開卷都水成功屬運籌浦口相過曾訂
約錦袍須共月中游

送吳憲之知龍泉

爭愛江東孤鳳凰南飛浙水見文章從來民事偏為重此去科
名定有光燕寢焚香稀案牘春郊騎馬徧耕桑長安極北誰云
遠要聽成人頌履匡

送文宗儒知永嘉用唐人方干送王永嘉韻

同年出宰聯翩去大邑爭誇浙水東選士初行常法外期君當
在古人中竹房夜照江心月柳浪朝翻海面風此地從來詩景
勝還聞拔擢論民功

送項崇仁知建陽

高步賢科眾所推筆端文字豈無施已看作令如龐統不待逢
人說項斯千載宋儒真可學一時秦吏謾為師公餘為我尋遺
蹟應踏扁舟入武夷

贈釋子芳草堂

出吳閶門走山塘山塘北去七里長平郊崛起虎丘寺雲樹一
簇攢青蒼我昔家居絕塵事兩足只有登山忙扁舟搖搖掠岸
去尋奇探勝時徜徉舍舟登岸縱所適四尺古墩當道傍道傍
父老說遺蹟劉公佐邑殊循良邑人此地曾拜送相與聚土示
不忘我欲題詩紀其事碑亭淡淡餘殘陽倏然欲去更回首忽
見側畔依僧坊青松夾道蔭寺額大書金字何煌煌竹陰蕭然
槿花舍中有丈室并迴廊一從京師住三載東南引領徒相望
旦朝忽有僧來謁自言來自胥臺鄉吾師出家修苦行吳下知
名芳草堂今年新領祠部檄劉公墩邊開道場敢持絹素乞一
語南還留作山門光嗟哉後世重異教三吳尤云熾而昌穹樓
傑殿塗金碧直以壯麗充緇黃其間號稱彼善者屈指一二無
留藏白雲寺建為范老表忠觀改因岳王只今此寺雖儉朴寺

名却為劉公彰此墩可夷碑可什有僧世守庸何傷投簪還鄉
會有日便擬入寺尋支郎舊時詩句如可補坐我草堂焚妙香

凌季行家賞蓮

盆池當坐長新荷眼底西湖渺綠波便可乘舟如太乙依然臨
水散東坡碧筒涼露先秋下華屋香風向晚過酒客不勝金谷
數對花聊賦醉時歌

和沈廷美次前韻

重把清尊對碧荷醉來激水作圓波誰移東海紅雲島絕勝西
山玉雪坡花底佳篇慚我和門前俗客任渠過晚涼身在江湖
上唱出漁郎款乃歌

陸文量職方新居讌集分來字韻

士龍宅裏小筵開坐對春風拂檻回未許持杯稱酒德故教分

地理

韻見詩才紫垣近接煙花繞翠幙高張燕雀來更愛西偏青不
了主人須築看山臺

飲錢世恒樓上

何處風來六月寒只疑高閣近江湍酒杯鯨跋當筵舉劔器龍
蟠拂袖看白雨不禁前日大青天偏到晚晴寬西山翠落僊洲
外倚遍君家十二闌

漁翁圖

數株古樹荒溪濱一竿占斷如無人溪深水聚魚亦聚誰遣兩
翁當要津葦間大扁何為者亦有長竿手中把兩翁得魚慎勿
爭只學收門取多寡

送沈仲威

一江秋水隔娟娟南去美人初放船為客相逢多異縣如君況

說是同年三吳人物何曾之二沈聲名共所傳我忝交游昆仲
裏贈言那惜滿華箋

送董尚矩歸省

楚尾迢迢不計程却因慈母重行行久為朝士多鄉夢始信江
神也世情錦敕有光天日爛布帆無恙水波平江都父老如知
得莫向津頭候董生

次韻顧天錫九日病起

重來不是舊劉郎籬菊都從病裏黃小院入愁雙杵外故鄉歸
夢一燈傍詩家供給山當戶客鬢侵陵樹着霜明日也須扶杖
出呼童已製錦為囊

邊文進畫山鷓鴣為遼陽邵令題

黃筌趙昌絕代無邊卿好手皆可模鸞坡日轉供奉暇餘墨寫

懷

成山鷓鴣鷓鴣只識山中路畫史強之入毫素遼陽有客自高
飛不信韓翁感為賦

同年吳克明知嘉定為題馬圖

吳卿別我吳門去手把橫圖索題句開圖見馬如見人逸氣稜
稜八尺身圍人騎度燕河水萬里長風生兩耳歸來飽啖玉山
禾吳門草青柰爾何

贈張君歸吉水兼問訊劉教授先生

兼素兄

東風不入客衣寒二月扁舟忽下灘到日緇塵詩裏詠還家春
草夢中看諸公臺省堪分席何處山林獨考槃苦憶傳經老劉
向更煩相見勸加餐

送戴校官琰赴漳州

渾河花發照青春舟載儒官下遠津疾甲浮梁惟有戴地分漳

水總為閩檳榔且進盤中食夏楚應生帳下塵學舍五經
地願期安定出純仁

楊學士新居讌集分采字韻

子雲一區宅氣勢如爽塏結構藉良工經營信多載虛簷小雨
過高棟浮雲藹勝地惜天時華筵散香靄傾倒尊與壘烹煎鼎
兼彙園蔬竹有萌土物煙為醢衆客放情懷諸郎耀文采酒面
卧西山歌猴翻小海河朔事空傳江南景仍在詩篇雜戲謔飲
量無欺詒不知白石移未許清風吹雅集當再期盆荷笑相待

挽畫士范葦齋

藝苑閒評到葦齋一時邊氏是芻儕賦詩難使游魂返看畫空
將病眼揩酒肆藏名餘尾年金門徒步只麻鞋拙工巧宦紛如
許今世何人最寡諧

廷試掌卷二首

畫戟連階虎豹屯九重端拱一人尊王言載見如綸出寒士
還同挾纊溫地上圖書環壁宿宮中絃管奏雲門朝來識得天
心喜硯沼均沾雨露恩

華蓋依然逼翰林大廷對策感重臨雨晴東閣天逾近雲起西
山日未沉殷序化行無曲學舜衣垂處最虚心三年食祿成何
事第一臚傳愧玉音

愛茶歌

湯翁愛茶如愛酒不數三升并五斗先春堂開無長物只將茶
竈連茶臼堂中無事長煮茶終日茶杯不離口富筵侍立惟茶
童入門來謁惟茶友謝茶有詩學盧仝煎茶有賦擬黃九茶經
續編不借人茶譜補遺將脫手平生種茶不辦租山下茶園

幾畝世人可向茶鄉游此中亦有無何有

閩南王翁重修里社

南閩有龍峰下維里居民里名曰興教民風朴而淳有社昔所
建歲久埋荆榛王翁社中彥動以禮法遵謂此如不葺日就圯
與堙學校聚生徒朝廷聚縉紳市廛聚賈客田野聚農人凡
人各有聚不聚事終泯我力雖云薄此社當我新維木固無脛
山林可選掄維瓦亦無足河濱可陶鈞工匠並手作落成纒纒
旬法律於此讀俎豆於此陳信義於此講孝弟於此申於此勸
農事於此賽田神作朝而息暮報秋復祈春爰有諸父老偉然
古衣巾會飲日將夕言笑皆恂恂少壯從杖者長幼自有倫相
與稱王翁重我里居仁後人庶勿壞千載傳南閩

鮑翁家藏集卷第五

詩五十七首

馬遠古松高士圖

寄傲天地間不為俗士知九衢紛車馬有足難並馳
偶來長松下時復一解頰手持白鶴羽萬事付一麾
吾心在太古身即太古時所以陶淵明羲皇不吾欺
須臾白雲起青山變容姿即此見世故長歌返茅茨

高克明溪山雪意圖

此圖劉僉憲得之任太僕今歸沈
啓南後有徐天全跋克明宋仁宗

時人題曰臣
克明上進

赤脚真人龍鳳姿俯視鞞苑時游嬉良工待詔金門裏
高生前身應畫師含毫吮墨立良久自言臣是唐王維
平生胸中無一物獨有山水能容之郭熙成名乃新進
高宗有詩云克明已死
道寧逝郭熙後有新成



名范寬得意纔並馳丹青競巧稱院體後來不比宣和時密竹
千岡松萬壑蒼翠峰巒白湖灤岸傍桂楫何處移礪曲茅堂是
誰縛行人暮歸天漠漠遙望前村愁雪落船頭一老獨閒暇詩
思分明入寥廓劉侯朝回過燕市亦復愛畫入骨髓偶從太僕
得此圖每一開之心輒喜天全僊翁惜題字評品數行而已矣
翁今已逝侯亦止兩洞庭荒渺湖水翁嘗自稱大洞庭主人而
僉憲家有小洞庭故云
石田多才從後起況有佳兒好文事只今此物欣有託賦詩獨
愧前人耳宋社久已屋宋畫如有神劉侯地下勿長嘆楚弓得
失皆吾人

辛夷牡鷄圖為筆翁張士行題

辛夷花發照晴川獨立春風亦竦然莫惜錦毛加束縛涪翁畫
庶怡二錢

次韻天全翁書遺光福徐用莊雪湖賞梅十二絕

永和人物數諸王曲水難勝一野航得似太湖三萬頃梅花灣
裏作家鄉

不游鴈蕩即鱸鄉又被五湖勾引忙舉棹落梅春雪亂開尊臨

水玉泉香吳城西有鴈蕩村吳江號鱸鄉

我愛涪翁與放翁此翁應在二之中登山臨水當年事北郭移
舟舊約儂

快雪初晴冰滿灣長溪未許放舟還坐移月裏千株樹卧看湖
邊萬玉山

新築吳西白玉城城中長作看梅行錦袍更向船頭坐便有神
僊世外情

不向山人道姓名詞中裴度晚年情江南風月無人管天府新

除老上卿

天落平湖見鬢絲
傍人休笑放舟遲
杜陵野老愁泥滓
只許青鞵布鞵知

雪後船窗向晚開
孤山杖屨勝徘徊
戛然何處玄裳影
想見坡僊化鶴來

湖口無人踏斷槎
石梁新築卧銀沙
如今要識經營意
信步前山好看花

太湖莫作鏡湖看
聚塢銅坑地更寬
日暮最高峰上立
青天尺五即長安

連宵朗月在青空
始悞身居大雪中
莫唱霓裳羽衣曲
人間自有廣寒宮

為報春風萬樹梅
年年為汝費深杯
徐卿況復能相引
不盡言

山不擬回

陳起東赴官閩中為題松圖

松有歲寒操
北地固所宜
何年移孤根
種之炎海湄
土人反吾疑
豈畏霜雪欺
不知長養地
枝葉恒如斯
屈曲賦形質
蒼蒼古滯容
姿惜哉仰受蔭
山上苗離離
酸甘適衆口
采摘皆及時
豈不見閩產
橄欖并荔枝

李遵道竹樹圖

薊丘常共此君游
又向人間見小丘
滿目疎篁連古木
偶然臨楮忽驚秋

墨竹

深林不減簟簞香
亂影都歸丈八溝
最愛長竿如綠玉
何年去上釣魚舟

墨牡丹

素衣依舊染緇塵京洛相逢已暮春
偶憶沉香亭北事惱人偏是畫中真

夏太卿墨竹

今代風流夏太常并刀時復剪蒼筤
墨君已老湖州逝却喜人家肯築堂

謝孔昭畫

盧鴻草堂今有無吳中時見謝翁圖
松風澗水書聲合林下高人不可呼

史明古過宿

故人過我室遠自黃家溪歲暮采女巷
中舊路渾不迷感此十年內望望各東西
斗酒相欵曲自起謀吾妻縱談遂忘暮日隱柴

門低相逢既不易欲別還悽悽挽衣願少留
方牀幸同棲況有坐間客玉汝行將躡雲梯
呼童更洗琰春韭亦滿畦是時月初出
光輝奪青藜夜久庭宇空鶴蹟滿雪泥
起步脩竹園攬攬驚鳥啼淨掃竹下屐
為我須留題頽然相枕藉鄰家起寒鷄
天明返舟楫吳江正流澌

題治平寺琬上人所藏巨然山寺圖追次虞道園先生韻

疎林逗晚照際水局柴關中有方丈室翠納千重山
山路多白雲滂然隔塵寰倚筇望峭崿展席聽潺湲
願邀巨然老置我水石間忘歸飽清暉從此終日閒
層巒結暝色不逐樵夫還

留題治平寺次前韻

野岸艤舟楫登登扣禪關木杪望飛閣半依茶磨山
翻嫌棟宇

高隴林見人寰石湖分一曲殿脚臨潺湲老僧閱梵語趺坐寒
雲間不知城中人暫到非長閒棹歌答空谷沿流月中還

宿東禪寺靜公房

戊戌正月十日

來為東莊游還作東林宿林下扣禪扉幽徑行自熟齋厨夜寂
然倦睡雜僧僕方牀習趺坐飲我一茶足坐久湯室溫洗沐解
塵服衲翁故延欸展畫更燒燭逶迤水上城突兀月中屋夜靜
風轉號曠野有高水疎雨忽復來春夢不可續端如紫極宮百
感入詩腹便當游汗漫安復事拘束晚歲返舊廬為鄰豈須卜

畫虎

時吳中有虎患

是誰捉筆圖猛虎出山耿耿氣尤怒便欲當前一扼之自笑書
生不能武亂山西繞洞庭波山下爭傳虎蹟多千年故事劉琨
得何日偶然還渡河

陰雨

元旦甲子俗云甲子豐年

春來不獨東風顛以陰以雨仍連連豈惟元日到人日又復上
弦交下弦甲子歲朝傳好語東南民力待豐年天時人事有如
此回首朔雲增慨然

過相城為沈陶菴和天全翁賞菊之作

菊花開日是重陽坡翁妙語不可當我云但得花之趣何必秋
來菊有黃神僊中人壽且康老年見客纔下堂幅巾飄飄映華
髮道我直過東籬傍菴居春風定先到已見菊苗三寸長浩歌
淵明飲酒章悠然依舊虞山蒼素琴無絃舊有例當春賞菊嗟
何妨封題一笑報蘇子為我轉致陶柴桑

過沈啓南有竹別業

是日關李成畫又觀
尚乙父尊下有銘

繫舟高柳下又是十年餘遙踏無媒徑重尋有竹居筆精知宋

畫器古鑿商書前輩題名在風流逸不如

與啓南游虞山三首

夜宿相川口清朝喚舟人舟人請所之指彼虞山垠山如知我
來笑逐野水濱藹藹春雨餘翠洗雲中身我亦重茲山竦然正
冠巾虞仲骨已朽高名宛如新悠悠松間路弔古在茲晨放舟
轉山塘行行自知津春服亦既成康以適此春

我本不飲人愛山如愛酒春游亦易事出戶即掣肘決策為此
行所幸得良友譬彼足病弱扶掖乃能走虞山遙在望豈意落
吾手側足亂石間縱目平湖口賞心雖云樂弔古悵然久丹井
事有無刻銘覆華構如何梁昭明書臺蔽林藪

山下有葛洪丹井宋學士景濂

為銘又有昭明太子讀書臺

斜日下嶺西落霞滿川上晚色催人還輕舟復採漾佳山難為

別持酒忽惆悵悠然一回首舟尾疊青浪故人知我懷捉筆寫
其狀懷土心未除移山力何壯便如王維詩終南亦堪望流觀
入中夜鼓柁起高唱

題啓南所藏林和靖手簡追次蘇文忠公韻

西湖處士林君復結廬近傍湖波淥百年何物獨傷廉墻下梅
花總寒玉滿城煙火十萬家未信誰人能脫俗壺酒嬉春拾翠
鈿歌鍾入夜燒紅燭獨教老鶴閒應門走傍湖陰濯雙足高平
范公遣使來寄以新詩勝餽肉風節文章厚與淳兩句平生成
寶錄才多累妙更入神只許惠翁和高曲果然遺墨似其人如
倚清風捫瘦竹惜哉甫里天隨生不趁斯人書祀菊

題啓南寫贈袁德純同年萬壑春雲圖

袁卿高爽不可攀平生眼底無吳山肩輿偶度支矧嶺俯視龍

池纔破顏前山後山作屏几千步橫岡鋪翠被向曉濃雲觸石
生當春好雨從龍起吾鄉沈子今王維筆端萬壑能移之圖成
欲贈袁卿去却請我輩仍題詩天台鴈蕩東南有卿昔好游曾
遍走縣齋晝靜對新圖從此不須開戶牖

贈袁德純別

太平肇為縣乃自黃巖分阻山且薄海土俗殊信信持牒好爭
訟於古已有聞雖云士風美甘露難救焚幸哉百里宰一朝得
袁君君來坐堂上顏色無戚欣謂民如絲然治之豈宜焚清節
我自持濟以慎與勤踰年能化服相顧歸耕耘公庭晝寂寂凭
几西日曛猶恐耳目臨適野訪憂瘴肩輿之所至如渴皆醺醺
君本廊廟器壯年躡青雲胸中十二策獻納同河汾小試出等
流信矣光斯文今茲報政還道經吳松濱自慶忝同薦詩以揚

其芬

出閭門與陳味芝諸公送德純舟經山塘登壽聖閣
時雨初霽西山益佳還飲舟中為陳允德題啓南所寫
春壑晴雲圖是日文宗儒談龍事甚異故及之

偶聞客談萬山中靈湫一勺能藏龍春來佳氣滿空谷想見龍
起雲爭從誰驅雪浪溢我胸驀然吹散渾無蹤半塘雨過登高
閣引手欲摘青芙蓉

秋林高士圖

風回木落多霜降水流慢高士謝俗塵溪頭獨來慣班荆成坐
久天日喜清晏野曠山盡出隔岸殊可辨度嶺識樵夫遙知有
雲棧王丞在北垞柳子游南澗山水樂亦同君應免譏訕

贈張汝弼知南安

闕下五色雲爛爛非煙霧吳會天東南却因風吹度鳳票澤物
心終為濟時具迢迢大庾嶺人出南中路既滋九齡松亦復漑
梅樹觸石此其時終焉遍天下攬之願少留飄然不予顧

楊太直剖瓜圖

深宮六月涼風至紈扇團圓奪秋氣却恨君王賜浴遲華清水
熱通宵沸金刀手弄雲鬟低楊柳樓頭日已西莫誇碧碗紅瓢
美玉齒病來憎瓠犀

題萱草圖為從母張孺人六十之壽

北堂慈母坐薰風萱草當階見一叢莫向洛陽看舊譜此花真
是壽安紅

題劉僉憲廷美寫遺啓南畫

寂寂茅亭下悠悠野樹邊扣門無俗客題句有詩僊虎蹟黃泥

坂鵝群白石泉相城回棹後畫裏故依然

山行十五首

留黃唐

天
夏半橫塘風日多畫船載酒壓晴波高田得雨皆秔稻長蕩翻
雲足芟荷未必他年成故事也須隨處結行窩悠悠十里城西
路此是登山第一歌

謁韓蘄王墓

家國何多難推尋為蔡童羸秦方逐北周室竟遷東江左朝廷
在淮南驛騎通天終憐宋土時則有韓公一劍橫天外諸酋在
目中南雲當箭鏃蓋走艤艘伐越期成霸于潛耻會戎蕭牆
狼跋盡野穴鼠群空聚米籌三鎮開門待兩宮齊王直濟美鄂
國與爭雄有詔從中制惟詩詠內訂閒游嗟我獨和議約誰同

殉葬長弓勁題銘片石穹龜趺呈細刻龍額表孤忠草樹樸蘇
斷柔盛享祀豐神靈懸皎日生氣亘長虹異代今全盛當論保
障功

望穹窿山

我昔聞吳諺陽山高抵穹窿半壯哉拔地五千仞始信吳中有
奇觀銅坑鄧尉作屏辰天平靈巖當几案其間法華與雅宜水
邊橫亘如長岸何人著山經宜作吳山冠但嫌地勢高山家每
憂旱舟行半日青已了却被濃雲忽遞斷水回路轉二三里依
舊諸峰青歷亂人云山頂百畝平合結茅廬傍霄漢龍門勝蹟
未遑添坐向船頭先飽看

經玉遮山

見山不識山借問山中人玉遮亦深秀翠色聳嶙峋肩輿繞
趾面面松杉新峰巒稍起伏穹窿復呈身細草被長岸盛夏無
埃塵乘閒即行樂願作茲山賓

入蒸山謁徐天全墓

平生晁賈共襟期欲使才名百世垂衆目是非何日定老臣功
罪有天知湖山彷彿精神在杖屨從容歲月移逝矣姚崇嗟不
返憑誰爲刻墓前碑

觀眠松

盤盤蒸山麓側徑頻折旋山人引我去云有長松眠石磴被蔓
草攝衣步相連果然見奇樹如神龍蜿蜒鱗甲生滿身仍怪鬢
鬣全恍若出巨壑疑將赴深淵未學擾龍術却立不敢前天風
谷口起繞視惟茫然枝幹既屈曲不中棟與椽茲山非櫟社亦
復全天年旁有短石垣制作良且堅四堞屹不動密累皆古軌

斷裂蒼蘚間有碑昔人鐫銘文已磨滅篆書冠其顛曰宋故主簿陸公墓
銘荒山少居民始知陸公阡摩挲發長嘆助我松聲圓草棘莫
剪除應乏雲仍賢旭日照松下回之弔重泉

入銅坑

銅坑山下摘楊梅曲徑人從樹杪來共愛石橋涼氣逼湖梢未
放酒船回

泛下崦

新春已百雪湖梅却為楊家果特來落日酒船山色裏水南人
道畫中回

泊虎山橋

南人相見詫杭州自料西湖讓一籌天為漁家開下崦晚宜書
舫駐中流新詩已判縱橫寫佳境從教次第游孺子歌聲何處

滄霞孤鷺水悠悠

飲七寶泉

誰將七寶地貯此一泓秋片月從空墮清冰出壑流冷涵山骨
瘦細咽竹根幽半勺能消暑名宜水記收

入玄墓寺

高登鄧尉山遙入玄墓寺老僧具衣履出門迓予至落落長松
間一徑獨深邃鞞鞞鍾磬聲鳥雀少驚異仰面睇山腰殿宇危
若墜長廊掃清風脩竹自為簷結夏四五人趺坐更無事樹密
山果懸草深井泉秘盤旋登小樓洞庭正相值洋洋太湖波兀
兀林屋翠始知衆山中此寺真畫筍聞昔萬峰老卓錫據茲地
道行既孤絕遺言有高致化去動吳人金帛爭布施歲久骨當
朽遺容未全敝禪堂晝寂寥雲水乏供饋惟餘佳山水不改太

古意磨崖紀勝游吾當一題字

懋奉慈菴菴中有白山茶

野寺堪逃暑登登去扣關林深長礙樹路轉又逢山石鉢分中
飯雲房借半間玉茶花落盡坐撫不知還

登光福鳳岡

昔年曾學登山法縱步不憂山石滑舍輿徑上鳳岡頭越此涼
風當晚發遠山朝臣抱牙笏近山美人盤鬢髮我身如在巨海
中青浪低昂出復沒山下人家成市廛家家炊煙起曲突梅林
屋宇遙隱見一似野鳥巢木末寺僧見山如等閒翻怪群山競
排闥偶凭高閣發長笑笑我胡為躡石鉢夕陽滿目波洋洋西
望平湖更空闊山靈為我報水僊預設清冷供酒渴吳人非不
好登山一宿山中便愁殺扁舟連夜泊湖口舟子長篙未須刺

懶游已笑斯人駭狂游不學前人達若邪雲門在於越何必
鞵并布鞵

飲海雲院百丈泉

白雲翻海濤行人渺無蹤蘭若因以名秀倚青芙蓉茲山非百
丈泉名與山重問泉所發源寺僧偶相逢涓涓出亂石瀉瀉循
長松山中不鑿井飲足忘深冬始知白雲多護此蜿蜒龍品評
藉道園遺墨無塵容所恨生也晚操杖何由從步來當長夏坐
挹清心胸紀事強追和豈圖碧紗籠謫僊詠瀑布莫訪香爐峰

觀海雲院連理山茶

奉慈山茶好標格花開如杯呈玉色海雲山茶更絕奇奇處不
論紅與白兩株竝植東軒前密葉如屏遮几席枝柯一一相交
加為是同根忍分拆初疑一人獨叉手忽作兩人仍促膝少焉

掉臂纔跬步又復控卷當肘腋碧玉磨沙成玦環青絲絢索分
繳纏我來庭際稍摩挲引子春地憂毒螫試量旁餘得三圍每
掃落花凡一石風霜飽歷三百年未識何人手中植尋常繞樹
多詩客塔下莓苔留古跡河中曾辱昌黎文西蜀休誇孔明柏
世間大樹儘有之似此山茶何處得

鮑翁家藏集卷第五

鮑翁家藏集卷第六

詩四十三首

與參政祝公游正覺寺

寺為元陸志寧別業舊多梧桐相傳志寧每洗之更有竹數種

曰名竹堂後廢有僧洪創為寺

陸公已逝逐浮塵洪老重來刈野榛百畝園林成故事一天風
雨醒游人碧梧淨洗今何在脩竹叢生舊有因白髮耆英留醉
墨晚涼傳玩席間珍

吳仲圭鈎勒竹

仲圭嘉興人號梅花道人葬處題曰梅花和尚之塔

畫家不見吳道子石塔尚記梅沙彌百年筆法兼眾妙又向人
間看竹枝秦川織錦文瑣碎嶮谷截玉形參差苦心却怪揚雄
語雕虫篆刻嗟何為

喜雨四首



雨挾風潮勢未休何人對此獨忘憂
桔槔挂壁農夫坐起舞茅簷忽打頭

農家勤動自新春怪見平疇有斷紋
孺子何曾知稼穡過庭沾濕亦欣欣

不飲何曾說半酣飯餘捫腹已堪慚
疎慵又感天公惠午後當階雨最甘

荒園頻漑趣奴星曉起常聞汲井聲
菜飯始知畱客易花闌更覺照人明

與賀美之過陳湖訪陳氏昆仲再宿東明院時王汝居京師而主僧頓公沒矣因遺其徒良琛

東明院裏重投宿偶見前題一慨然
欹枕亂蛩如昨夜入門高樹却多年
季方不與元方在小朗還同大朗賢
何處玉笙吹未

懷

歇山扉新月照人眠

過磧沙寺

寺西有蛟龍浦中有藏經坊僧云鳥雀不入坊中元詩僧至天隱自江右來居此號筠溪

有詩集

日斜湖上過野寺倦登臨老樹風聲合
頽垣雨蹟深蛟龍潛近浦鳥雀避叢林
不見筠溪叟詩禪久絕音

韓文公度藍關圖

光福徐太守家藏

韓公上書諫佛骨自分投荒生不還
忍寒作詩示姪輩千古增重藍田關
關門雪深阻去馬直氣早已開衡山
唐皇殂矣骨亦朽瘴江無墓空潺湲
嗚呼瘴江無墓空潺湲潮州廟碑不可刪

遠游

嗟彼城市人而有江湖想如何屋下身忽在扁舟上
遠游無定蹤日日憑五兩南風舟尾發千里落吾掌
如觀山海圖瞬息歷

九壤扣舷歌離騷八極願長往旁人發大笑此語意何廣屈子
百世師未許後人倣

酬海虞陸生寫 賜服像

臚傳春殿偶前行 賜服深慚出上方豈為形神勞繪事故憑
粉墨著 恩光詩中曹氏今為度壁上吳生遠擅場歸到山林
還有託幅巾偏稱鬢毛蒼

李龍眠劉阮遇僊圖

誰與龍眠作畫評高唐雲雨筆端生欲知劉阮天台事試讀韓
子桃源行

趙松雪長江疊嶂圖

李貞伯藏

長江滔滔向東瀉憶昔扁舟順流下慈悲閣前浪花白兩岸青
山似奔馬蕪葭楊柳風颼颼江行六月疑深秋歸來已是十年

事看畫偶然思舊游江流樹色非邪是仍見山腰隱高寺赤听
滄洲杳靄間只尺悠然起愁思若溪影落鷗波亭王孫弄筆何
時停北來戎馬暗江滸千古遺恨歸東溟

題張外史伯雨贈曲阜孔君詩後

結廬句曲號貞居石鼎千年句法如所有白雲難贈客豈無清
露可為書湖陰小 題金菌月下高冠製玉葉白首交游洙水
上歸儒深恨早回車

王叔明山水圖

叔明號黃鶴山樵

黃鶴高樓已摧碎空有江南黃鶴山山深有客持樵斧終日置
身林木間臨風高歌白石爛隔水或看秋雲還老夫亦有幽居
興對此徑欲移柴關

倪雲林墨竹

古來畫法即書法時從用墨窺良工雲林胸次本高潔墨氣自
與爲人同扁舟日暮過雨里竹梢落紙含清風想應停筆悵然
久詩思遙逐天隨翁

沈恒吉小景

扁舟同泛十年前夜宿西山一塢煙逝矣斯人猶在目古村黃
葉帶清泉

畫鷹

林塘秋晚木葉稀瞥然如塞原憲衣野鷹未末俯首睨豈欲供
爾清晨飢嚴霜塗塗百草排平郊且莫張虞機天空海濶羽翮
健終當一擊奮我威區區鷄鳥何足數草間任爾東西飛

畫鷄

杜翁昔賦縛鷄行韓子曾聯鬪鷄句朱冠鍬距本同形勇怯在

人分感遇鷄耶被縛良可嗟鬪鷄雖勇何足誇爭如此鷄只獨
立昂然不屬詩人家

過吳江瑞雲觀

陸道判建黃文獻公有記

笠澤磯頭訪瑞雲洞門高掩寂無聞重湖急雨過龍陣小塢亂
石眠羊群有懷廬山陸脩靜敢比會稽王右軍與客松陰論往
事摩挲殘碣慨遺文

舟經荻菴阻風留宿王抑夫田舍

時水荒後

歲暮江村落日懸誰家漁網設平田岸頭行客訟風伯堂上主
人疑水僊斗酒急呼聊慰藉扁舟欲去重留連荒溪白屋炊煙
少縣吏那堪橫索錢

題王叔明遺沈蘭坡畫

黃鶴山人棲古松踏月夜訪蘭坡翁浴鵝溪邊放杯酒尺素頓

發青芙蓉百年坐卧松雪中似舅宛有王孫風誰教彥遠作畫
記姓名也合收王蒙清霜不管坡蘭叢蘭芽仍茁吳門東山人
倒騎黃鶴去黃鶴一去青山空

巳亥上元夜有感

夜堂春酒十年前白髮朱顏笑語傳孤露餘哀雙袖濕淒涼無
寐一燈懸長街未盡人猶走急雪初晴月正圓身在故鄉悲感
集他時今夕况幽燕

胡瓌番騎圖

漢家詔下五將軍虜騎衝寒度寒雲終信奇功收幕府如今不
是奉春君

韓節婦

閨門煙火萬家稠獨掩深閨賦柏舟曾識市中無二價肯將從

一負韓休

為姚文裕題畫

憶醉園池之上悠悠二十餘年城裏人家似此畫中風景依然

與李貞伯游東洞庭六首

過木瀆

舟行三十里初向瀆川過客路偏逢雨人家盡枕河橋橫光福
嶺水接洞庭波倏爾嗟春及田間見荷蓑

舟行出胥口

孤蓬遙踔太湖心着雨高山水墨深積氣上蒸炊正熟弱流西
注壓將沉不曰迢遞辭清賞轉覺空濛助醉吟詩裏白公誇月
夜未知奇觀屬春陰

游太湖翠峰寺

步轉危峰路豁然梅花叢裏見青天春泥不污登山屐又過長
松啜冷泉

興福寺小憩

九塢寒泉一澗流遙從木末望山頭春風未掃禪林雪更為梅
花半日流

湖上望西洞庭山

百家棧上望西山縱目遙過銷夏灣未遂真游勞指點聊馮高
興去躋攀石壇相距纔十里林屋都來有萬間報與山靈須少
待會將親手扣僊關

飯法海寺

行盡松杉嶺慚平日高深谷喜新晴山樓飯罷渾無事獨倚危
闌聽水聲

游惠山入聽松菴觀竹茶爐

菴有皮曰休醒西石時菴
庭隨侍赴京命和二詩

與客來嘗第二泉山僧休怪急相煎結菴正在松風裏累茗還
從穀雨前玉碗酒香揮且去石牀苔厚醒猶眠百年重試筠鑪
火古杓爭憐更瓦全

游金山

大舶西來趁晚潮留雲亭上興飄蕭水從灑灑流偏急春到崐
崙雪盡消萬里京華瞻北極一時人物慨南朝中冷入口平生
足坡老詩篇已命騷

瓜洲阻雨留曹氏館

水長瓜洲上黃魚高樓三日雨疎疎主人能慰江南客晨起呼
童作筍道

宿邵文敬清江官舍為題高房山畫卷

淮南春夜風兼雨空堂蕭蕭雜人語戶曹好客無與娛故展長
圖慰羈旅大山矗矗如覆釜小山歷歷還聚黍人家隔岍見衡
茅艇子隨潮歸浦淑眼昏莫辨雲中樹據案呼童執高炬千里
悠悠亦遠游却喜意行無險阻闔城中為我家俗事到門多
峻拒平生惟有山水緣招我登臨無不許憶昨離家始浹旬此
物依然入東楚乃知高侯畫有神未讓道寧與僧巨願君從茲
慎藏弄對棋寧賭淮南墅

過呂梁洪

力盡千艘勢若傾隱然門限入彭城漢封岱嶽分來脉禹鑿梁
山擬舊名高山山之民舍穩繞灘風雨客心驚平生亦愛王陽
語壯歲難辭險處行

徐州阻風

蘇家故事畱詩句仍見夜中風雨來水激萬艘難挨柁鼓行
陣不啻拔怒號應撼藏蛟窟奇觀須登戲馬臺河上去程誰算
得擬尋石室弔桓唯

與徐仲山東行五首

望嶧山

魯郊空且曠自力安能窮倏見千仞青橫截于其東群山相後
先蹲踞猶兒童尼丘亦遠避何曾數龜蒙嘗讀禹貢書其陽產
孤桐剪伐成何用茅茨舜為宮諒惟製琴瑟摶拊歸良工因之
懷古人仰睇雲霄中

觀泗河

四源合一水古河因以名望之渺千頃永口汪然清蕩搖鄒嶧
山映帶兗州城餘波入漕渠資國功匪輕疎濬藉水部來往勞

經營欲汲免舟楫石堰築且平臨流一縱步魚鱉不我驚即欲
窮其源何惜此數程念昔洙泗間講業皆諸生河廣豈水然聖
澤惟盈盈茲游幸沾溉自慶非徒行浴沂效前哲春服亦既成

入孔林

兩楹既夢齒黯矣斯文光巍巍魯城北冠屨於焉藏墓木不可
辨合抱十萬章知為門弟子移植來四方惟昔治任日相向哭
且傷孰知千載下儒者猶心喪愚生復何幸瞻拜俄其旁去我
有周末藹然覲溫良如陪游與夏執贄同升堂惓惓東引頌風
願今始償嶧山千仞高泗水百里長何必四尺封天壤俱存亡

觀手植楡


魯宮久已壞孔宅仍如新悠悠二千載手澤嗟尤存所存匪他
物奇樹當高門矯矯歷霜雪青青出埃塵親承時雨化生意常

欣欣相傳藉文字烈火經嬴秦而此特萌蘖挺然異其群群木
繞庭際合抱高入雲尋常豈得似隱起成旋文端如人索綯微
纒依然分米芾好奇士於道未必聞玩物有述作意與石丈均
我來重謁拜欲去步幾巡維魯多松柏斲度見詩人徂徠與新
甫遙瞻失嶙峋

謁宣聖廟

林立穹碑蝕古苔廣庭端拜殿門開玉封高竝東山峙聖澤長
盈泗水洄已冷阮灰科斗出未行綿叢太牢來只今老樹成連
抱天遣森然愧宋雕

鮑翁家藏集卷第六



卷之二